

39 《大乘無量壽經解》
三輩往生第二十四
往生正因第二十五
禮供聽法第二十六

佛陀教育基金會 假日佛學院
2026 年 02 月 28 日

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

二、正宗分

一、彌陀因地・殊勝願行

二、極樂依正・清淨莊嚴

三、
三輩往生
菩薩禮供

已生當生 悉住正定

決證極果第廿二

十方佛讚 勸生信願

十方佛讚第廿三

往生因緣

三輩修因

三輩往生第廿四

廣論因行

往生正因第廿五

菩薩禮讚

他方菩薩

禮供聽法第廿六

極樂菩薩

歌嘆佛德第廿七

四、二土欣厭・重重誨勉

五、得失雙辨・攝聖顯智

【三輩往生第二十四】 補充說明

事持 蓮池大師《阿彌陀經疏鈔》：

「聞佛名號，常憶常念。以心緣歷，字字分明。前句後句，相續不斷。行住坐臥，唯此一念，無第二念。不為貪瞋煩惱之所雜亂。」

事持 蕩益大師《阿彌陀經要解》：

「信有西方阿彌陀佛，而猶未達是心作佛、是心是佛。但以決志願求生故，如子憶母，無時暫忘。」

理持 蓮池大師《阿彌陀經疏鈔》：

「聞佛名號，不惟憶念，即念反觀，體察究審，鞫其根源。體究之極，於自本心，忽然契合。」

理持 蕩益大師《阿彌陀經要解》：

「信彼西方阿彌陀佛是我心具、是我心造，即以自心所具所造洪名，而為繫心之境，令不暫忘。」

【以心緣歷】

維基百科AI摘要：「以心緣歷」

歷：分明的、清晰的

通常指在修行(如念佛)時，以心念清清楚楚地緣念佛號或經文，字字分明，前後相續不間斷，從行住坐臥中皆唯此一念，無雜亂煩惱。這是一種專注的修持狀態，強調心與境的凝聚與相續。

佛光大辭典：「歷緣對境修」

歷：歷經、經過

為修習止觀之一。又作歷緣對境修止觀。

緣指行、住、坐、臥、作、言語等六種緣；

境指色、聲、香、味、觸、法等六塵境。

歷事練心
一切法

即行者於(歷經)行、住等日常一切活動中及(面對)塵境，常修定(止)、慧(觀)方便，則必能通達一切佛法，稱為歷緣對境修。(摩訶止觀卷七)

二、正宗分

一、彌陀因地・殊勝願行

二、極樂依正・清淨莊嚴

三、
三輩往生
菩薩禮供

已生當生 悉住正定

決證極果第廿二

十方佛讚 勸生信願

十方佛讚第廿三

往生因緣

三輩修因

三輩往生第廿四

廣論因行

往生正因第廿五

菩薩禮讚

他方菩薩

禮供聽法第廿六

極樂菩薩

歌嘆佛德第廿七

四、二土欣厭・重重誨勉

五、得失雙辨・攝聖顯智

【往生正因第二十五】經文(1/4) (夏會本)

復次阿難：

若有善男子、善女人，

聞此經典，受持、讀誦、書寫、供養，晝夜相續。

求生彼刹。發菩提心。持諸禁戒，堅守不犯。

饒益有情，所作善根悉施與之，令得安樂。

憶念西方阿彌陀佛，及彼國土。

是人命終，如佛色相，種種莊嚴，

生寶刹中，速得聞法，永不退轉。

【往生正因第二十五】 經文(2/4) (夏會本)

復次阿難：若有眾生，欲生彼國，
雖不能大精進禪定，盡持經戒，要當作善。
所謂一不殺生。二不偷盜。三不淫欲。
四不妄言。五不綺語。六不惡口。七不兩舌。
八不貪。九不瞋。十不痴。

如是晝夜思惟，
極樂世界阿彌陀佛，種種功德、種種莊嚴。
志心歸依，頂禮供養。

是人臨終，不驚不怖，心不顛倒。
即得往生彼佛國土。

【往生正因第二十五】經文(3/4) (夏會本)

若多事物，不能離家，不暇大修齋戒，一心清淨。

有空閒時，端正身心，絕欲去憂，慈心精進。

不當瞋怒、嫉妒。不得貪饕、慳惜。

不得中悔，不得狐疑。要當孝順，至誠忠信。

當信佛經語深。當信作善得福。

奉持如是等法，不得虧失。思惟熟計，欲得度脫。

晝夜常念，願欲往生阿彌陀佛清淨佛國。

十日十夜，乃至一日一夜，不斷絕者，

壽終皆得往生其國。

【往生正因第二十五】 經文(4/4) (夏會本)

行菩薩道，諸往生者，
皆得阿惟越致。

皆具金色三十二相，皆當作佛。
欲於何方佛國作佛，從心所願。

隨其精進早晚，求道不休，會當得之，
不失其所願也。

阿難：以此義利故，
無量無數、不可思議、無有等等、無邊世界，
諸佛如來，皆共稱讚無量壽佛所有功德。

【往生正因第二十五】 (1/24)

前品三輩往生，主要顯往生後之位次，
而未廣論往生之因行。

故於本品增廣之，名為往生正因。

此兩品互作經緯，彼此涵攝。

蓋前品三輩往生者之所行，亦皆是往生正因。

本品中所示之正因，其果亦即是前品之三輩。

又本品所示諸因，多契於《觀經》之淨業。

《觀經》云：「生彼國者，當修三福：

一者，孝養父母，奉事師長；慈心不殺，修十善業。

二者，受持三歸，具足眾戒，不犯威儀。

三者，發菩提心，深信因果；讀誦大乘，勸進行者。

【往生正因第二十五】 (2/24)

如此三事，名為淨業。

佛告韋提希，汝今知不？此三種業，
乃是過去、未來、現在三世諸佛淨業正因。」

(於上品上生經文) 又曰：

「復有三種眾生，當得往生。何等為三：

一者，慈心不殺，具諸戒行。

二者，讀誦大乘方等經典。

三者，修行六念（佛·法·僧·戒·施·天）。

迴向發願，生彼佛國。

具此功德，一日乃至七日，即得往生。」

《觀經》所示，與本品內容，多相吻合。

【往生正因第二十五】 經文(1/4) (夏會本)

復次阿難：

若有善男子、善女人，

聞此經典，受持、讀誦、書寫、供養，晝夜相續。

求生彼刹。發菩提心。持諸禁戒，堅守不犯。

饒益有情，所作善根悉施與之，令得安樂。

憶念西方阿彌陀佛，及彼國土。

是人命終，如佛色相，種種莊嚴，

生寶刹中，速得聞法，永不退轉。

【往生正因第二十五】 (3/24)

右文乃本品之首段。

明第一類正因，發心念佛，兼受持經戒，自他二利得生。（此文全自《宋譯》。）

第一類正因，共有六句：

一受持本經。二求生淨土。三發菩提心。
四嚴持諸戒。五饒益有情。六憶佛念佛。

一、《觀經》曰：「讀誦大乘。」

《觀經約論》云：「不讀大乘，則不明佛心。

不明佛心，則不契佛智。

不契佛智，縱生彼國，不得見佛。」

【往生正因第二十五】 (4/24)

今經首云：「聞此經典，受持讀誦。」

此經即此《佛說大乘無量壽莊嚴清淨平等覺經》。

此經乃淨土第一經，亦中本之《華嚴》也。

又此經乃世尊獨留於將來經道滅盡之際，住世百歲，為末後眾生留作津濟者也。

又「此經」，亦兼指《無量壽經》漢、吳、魏、唐、宋諸譯本，及王氏、彭氏、魏氏諸會節本。但能受持，均是正因。

但此會本，獨稱善本，故持經功德彌勝也。

「晝夜相續」，明勇猛精進，無有間斷。

【往生正因第二十五】 (5/24)

二、「求生彼刹」，

以受持、讀誦、書寫、供養種種功德，迴向淨土。

三、「發菩提心」。

因「發菩提心，一向專念」，

乃本經之宗，三輩往生之正軌，故重見於本品也。

四、「持諸禁戒，堅守不犯」

此即《觀經》之「具諸戒行」

或「具足眾戒，不犯威儀」。

蓋無戒則同漏器，雖勤念佛亦難圓滿。

【往生正因第二十五】 (6/24)

五、「饒益有情」是菩薩利他行。

如《普賢行願品》曰：

「菩薩若能隨順眾生，則為隨順供養諸佛。

若於眾生尊重承事，則為尊重承事如來。」

是故淨業行人，應於眾生廣行饒益。

「所作善根，悉施與之」。(令得安樂)

指自作之一切功德與善根，

悉皆施與一切眾生，令彼離苦得樂。

如密教行人，願己之一切功德，悉施一切眾生；

眾生一切罪苦，悉皆由我代受。

【往生正因第二十五】 (7/24)

六、憶佛念佛。

「憶念西方阿彌陀佛，及彼國土」。

蓋念佛妙行，眾善中王，乃妙中之妙，徑中之徑。
於正因中，發心念佛，實為首要。

以上是因，下明其果。因果相隨，如身與影。

「是人命終，如佛色相」。

其人如佛，真金色身，卅二相；
並具種種如佛之功德莊嚴。

「生寶剎中，速得聞法」。

此人命終，色相如佛，並速得聞法。(永不退轉)

【往生正因第二十五】 經文(2/4) (夏會本)

復次阿難：若有眾生，欲生彼國，
雖不能大精進禪定，盡持經戒，要當作善。
所謂一不殺生。二不偷盜。三不淫欲。
四不妄言。五不綺語。六不惡口。七不兩舌。
八不貪。九不瞋。十不痴。

如是晝夜思惟，
極樂世界阿彌陀佛，種種功德、種種莊嚴。
志心歸依，頂禮供養。

是人臨終，不驚不怖，心不顛倒。
即得往生彼佛國土。

【往生正因第二十五】 (8/24)

右第二類正因，其中共三句：一、修行十善。

二、晝夜念佛。三，志心歸依，頂禮供養。

一，修行十善。

據《法界次第》，

十善即是「止惡」，止前之惡，則不惱於他。

(行善) 行今之善，以利樂一切。

(一)不殺生，止前殺生之惡行，當行放生之善。

(二)不偷盜，止前盜他財物之惡行，當行布施之善。

(三)不淫欲(不邪淫)，止前於非妻妾淫欲之惡行，
當行恭敬之善。

【往生正因第二十五】 (9/24)

(四) **不妄言**，止前虛言誑他之惡行，當行實語之善。

(五) **不綺語**，止前綺側乖理之惡語行，
當行有義語饒益之善。

(六) **不惡口**，止前惡言加人之惡行，行軟語之善。

(七) **不兩舌**，止前構鬪兩邊之惡行，當行和合之善。

(八) **不貪**，止前引取無厭之惡行，
當行不淨觀，觀諸六塵，皆欺誑不淨之觀行善。

(九) **不瞋**，止前忿怒之惡行，當行慈忍之善。

(十) **不癡(不邪見)**，止前撥正因果，僻信邪心之惡行。
當行正信，歸心正道，生智慧之善心。

六根三業 · 五戒十善

六根	三業		五戒(人乘因)	十善(天乘因)	
眼	身業 (身)	身業	不殺生(仁)	不殺生	約身如繩 身業清淨
耳			不偷盜(義)	不偷盜	
鼻			不邪淫(禮)	不邪淫	
舌		口業	不妄語(信)	不妄言	守口如瓶 口業清淨
身				不兩舌	
				不惡口	
意	意業 (心)	意業		不飲酒(智) (身業)	
			不貪欲		防意如城 意業清淨
			不瞋恚		
				不愚癡	

【十善戒經】 (1/2)

【受十善戒經】 全一卷。譯者不詳。

收於大正藏第二十四冊。

內容分為〈十惡業品〉及〈十施報品〉兩部分：

- (一)十惡業品，揭示滅除十惡，持守十善戒之要理；並舉出納受十善戒、八齋戒等之作法。
- (二)十施報品，論述殺生、偷盜、邪淫、妄語、兩舌、惡口、綺語、貪慾、瞋恚、愚癡等十惡之惡報相，並說示滅除十惡、持守十善之功德。

[出三藏記集卷四、開元釋教錄卷十二]

~ 《佛光大辭典》

【十善戒經】 (2/2)

另有《十善業道經》，
實叉難陀譯，收在《大正藏》第十五冊。
係佛在龍宮為沙竭羅龍王所說。
謂永離殺生、偷盜、邪行、妄語、兩舌、
惡口、綺語、貪欲、瞋恚、邪見等十惡。
而修十善者，可得無量功德，乃至能令十力、
四無畏、十八不共法等，一切佛法皆得圓滿。
譬如一切城邑聚落，皆依大地而得安住，
一切藥草卉木叢林，亦皆依大地而得生長。
此十善業亦復如是，
一切諸法、菩薩行皆依此十善大地而得成就。
~ 《中華佛教百科全書》

【往生正因第二十五】 (10/24)

上之**十善**，均是**世善**。

《報恩論》曰：

「凡是善行，皆可往生。

但必常常**念佛迴向**，即轉世善為淨因。

故佛說諸經，總兼世善。

而此**十善業**，且特說專經（《十善戒經》）。

以淨身三、口四、意三諸業，為**修持根本也**。」

【往生正因第二十五】 (11/24)

二、晝夜念佛。經云：「晝夜思惟，極樂世界
阿彌陀佛，種種功德、種種莊嚴。」

天親菩薩《往生論》立「五念門」：一禮拜門。
二讚歎門。三作願門。四觀察門。五迴向門。

論云：「云何讚歎？口業讚歎，稱彼如來名。」

又「彼觀察有三種：何等三種？

一者觀察彼佛國土莊嚴功德。

二者觀察阿彌陀佛莊嚴功德。

三者觀察彼諸菩薩莊嚴功德。」

今經所云，正是第四觀察門。

或兼口念，則兼第二讚歎門。如是觀察或讚歎，
晝夜相續，故云「晝夜思惟」等等也。

【往生正因第二十五】 (12/24)

三、「志心歸依，頂禮供養」，是第一禮拜門。

論云：「云何禮拜？」

身業禮拜阿彌陀如來應正遍知，為生彼國意故。」

又「歸依」即歸命。

《往生論註》曰：

「故知歸命即是禮拜。

然禮拜但是恭敬，不必歸命。

歸命必是禮拜。若以此推，歸命為重。」

今經云，歸依頂禮，復是志心，

更兼供養，彌顯精誠。

《往生論》 與 《四帖疏》

《往生論》 五念門

- 1 禮拜門
- 2 讚歎門
- 3 作願門
- 4 觀察門
- 5 迴向門

《四帖疏》 五種正行

- 1 讀誦
- 2 觀察
- 3 禮拜
- 4 稱名
- 5 讚歎供養

《十六觀經》：至誠心、深心、迴向發願心

願生
彼國

廣略相入

廣

略

名

(二) 讚歎門
稱彼如來名
《讚阿彌陀佛偈》
(7言390句，分50段)

(三) 作願門
修奢摩他 (止)
一心專念
阿彌陀如來

名義相符

義

(四) 觀察門
修毗婆舍那 (觀)
參、觀行體相
29種依正莊嚴功德
(5言84句，21偈)

肆、淨入願心
佛土、佛、菩薩功德
略入一法 (清淨) 句
真實智慧·無為法身
含器、眾生世間清淨

【往生正因第二十五】 (13/24)

《往生論》云：

「若善男子、善女人，修五念門行成就，
畢竟得生安樂國土，見彼阿彌陀佛。」

妙因感果，是故**臨命終時**，蒙佛本願加威，
「慈悲加祐，令心不亂」。故得「**不驚不怖，心不顛倒**」。

「**不驚**」者，**不驚慌失措**。「**不怖**」者，**不畏怖恐懼**。
「**(心)不顛倒**」者，**心不錯亂**，憶佛之正念依然現前。
故得往生。**(即得往生彼佛國土)**

本品經文，未言臨終見佛，但既得往生則佛必然來迎。
因佛本願，臨終接引。若無佛迎，則凡夫自力不能往生。
今不言者，以此品專論因行，故不多涉往生之果境。

【不驚不怖，心不顛倒】 (1/2)

《金剛般若波羅蜜經》卷1:

「若復有人得聞是經，**不驚、不怖、不畏**，當知是人甚為希有。」

《金剛經集註》卷1：「【肇法師曰】

得大乘**聞**慧解，一往聞經，身無懼相，故名**不驚**。
得大乘**思**慧解，深信不疑，故名**不怖**。
得大乘**脩**慧解，順教脩行，終不有謗，故名**不畏**。」

江味農《金剛經講義》卷3:

「**不驚**即是**信**。初**聞**經時，能信也。
不怖即是**解**。次而**思**義，能解也。
不畏即是**受持**，則肯**修**學受持也。」

【第一隨順音聲忍】 法藏 《華嚴經探玄記》

不驚

不怖

不畏

聞無相不驚
解遍計無所有故

聞無生不怖
解依他必無生故

聞無性不畏
解真如無性性故

聞有無所有不驚

聞空無所有不怖

聞二無所有不畏

聞真空法
信解、受持
先信後解 先受後持

思真空法
愛樂、順入
愛法樂觀 思擇得味

修真空法
修習、安住
對緣造修 行修成立

《華嚴經·十忍品》：若聞真實法，不驚不怖不畏，
信解受持，愛樂順入，修習安住，是為第一隨順音聲忍。

【不驚不怖，心不顛倒】 (2/2)

《佛說阿彌陀經》卷1:

「是人終時，心不顛倒，即得往生阿彌陀佛極樂國土。」

《阿彌陀經義記》卷1:「若能七日一心不亂，其人命終，

阿彌陀佛以宿願力化佛迎接，心不顛倒即得往生。

何以故？**臨終一念，用心懇切，即當得去也。**」

《阿彌陀經略解圓中鈔》卷2:

【疏】乘彌陀願力攝持，不為平昔妄想攀緣傾動其心，

正念現前，故云心不顛倒。

【鈔】娑婆眾生，雖能念佛，浩浩見思，實未伏斷。

而能垂終心不顛倒者，原非自力而能主持。

乃全仗彌陀乘大願船而來拔濟。

雖非正念而能正念，故得心不顛倒，即得往生。

【往生正因第二十五】經文(3/4) (夏會本)

若多事物，不能離家，不暇大修齋戒，一心清淨。

有空閒時，端正身心，絕欲去憂，慈心精進。

不當瞋怒、嫉妒。不得貪饕、慳惜。

不得中悔，不得狐疑。要當孝順，至誠忠信。

當信佛經語深。當信作善得福。

奉持如是等法，不得虧失。思惟熟計，欲得度脫。

晝夜常念，願欲往生阿彌陀佛清淨佛國。

十日十夜，乃至一日一夜，不斷絕者，

壽終皆得往生其國。

【往生正因第二十五】 (14/24)

右第三類，有二句：

一修行世善。二忙裏偷閑，正念得生。

此類指事物繁多之人。

平素暇時甚少，未能大修齋戒。更難於一心清淨。

如是之人當努力行善。並應忙裏偷閑，善擇時機，遇緣即修，不使空過，亦定得往生。

淨宗之妙即在「不離佛法，而行世法，
不廢世法，而證佛法」也。

(見《報恩論》)

【往生正因第二十五】 (15/24)

「有空閑時」。

承上所言，事物繁多，未能身暇心淨，大修齋戒。則當善用時機，遇閑即修。摒除世慮，勇猛專修。此句「有空閑時」總貫下文，直至「一日一夜，不斷絕者」。

「端正身心」，端身正意也。

〈濁世惡苦品〉云：「汝等能於此世，端心正意，不為眾惡，甚為大德。」

又〈重重誨勉品〉曰：「若曹作善，云何第一？」

當自端心，當自端身。耳目口鼻，皆當自端。」是故遇空閑時，首應端正身心也。

【往生正因第二十五】 (16/24)

「**絕欲**」者，在此期間，絕斷男女間之愛欲。

「**去憂**」，放下世間憂慮。

「**慈心**」，與眾生樂之心，

今此修持是為饒益有情而修也。

「**精進**」者，勇猛於修善斷惡也。

《輔行二》曰：「於法無染曰精，念念趣求曰進。」

《華嚴大疏八》曰：

「練心於法，名之為精。精心務達，目之為進。」

蓋謂：**精**者，乃精一其心於佛法也。

以此精心，唯以達本為務，是名為**進**。

本者本源也。明自本心，**見自本性**，是為達本。

《大疏》之義較勝。

【往生正因第二十五】 (17/24)

從「不當瞋怒」至「至誠忠信」，
乃第一句，為人乘之世善。

「嫉妒」，妒忌他人之盛事。又害賢曰嫉。

「貪饕」。「饕」者，貪食也。

「慳惜」，《大乘義章》曰：「吝惜財法稱慳。」
即耽著於財與法，不能施捨利人之心。

「中悔」，信仰不堅，先信後疑，故曰「中悔」。

「狐疑」，狐性多疑，故曰「狐疑」。
猶豫不決曰疑。疑念害善根。

譬如毒刺。故《萬善同歸集》云：

「堅信根而拔疑刺。」

【往生正因第二十五】 (18/24)

「**要當孝順**」即《觀經》之「孝養父母」。
見於彼經三福之首。乃三世諸佛淨業正因之一也。

「**至誠忠信**」。

「**誠**」者真心，**真實無偽**也。

「**至**」者**登峰造極**也。誠之極，故云至誠。

「**忠**」者，**盡心竭力**，忠於國家。

忠孝二字，為世間美德之本。

「**信**」，此處指世法，謂**真實不欺**也。

下明第二句，忙中念佛。

【往生正因第二十五】 (19/24)

「當信佛經語深」。此中「信」字，指出世法。謂於諸法之實體，三寶之淨德，與世出世之善根，深為信樂，使心澄淨，是為信。

《唯識論》云：

「云何為信？於實德能深忍樂欲。心淨為性。」

又《大乘義章》云：

「於三寶等，淨心不疑，名信。」

又《俱舍論》云：「信者，令心澄淨。」

今聞佛經，並信經語甚深。

《大論》曰：「信為能入。」

故能從人乘，而直趨大乘圓門，念佛求生也。

【當信佛經語深】

本書以初機人乘之世善（信因果而作善），直趨大乘、一乘圓門（念佛往生）。當知，漸教根器者，信心從淺到深的次第可分為三階段：

- (1) 仰信、善信 - 沒有教理的瞭解，僅是一般的宗教信仰所起的信心。
- (2) 解信、正信 - 有正確的教理了解所生起的信心，並且發起精進的修學，在進求的過程中，愈接近目標，信心更是不斷的增勝。這是解行位。
- (3) 證信、真信 - 經過實踐而到達實證理體，現量的通達；此時，如禪宗所謂「悟不由他」，教下的「大開圓解」，這是證得聖位的開始。

【往生正因第二十五】 (20/24)

復信因果不虛。故信「作善得福」而精進向善。

「奉持如是等法」，指上述諸善法，
「不得虧失」。「虧失」者，減損也。

以上數句經文（從「當信」至「虧失」），
表從世間人乘，趨向極樂一乘也。

此下明忙裏偷閑，精進念佛。

「思維熟計，欲得度脫」，即深思熟計，欲脫生死也。

「(晝夜常念,)願欲往生」，捨穢求淨，
以一切功德，迴向往生也。

【往生正因第二十五】 (21/24)

「**晝夜常念**」 「**阿彌陀佛清淨佛國**」，
乃憶佛念佛往生正行也。

相續**十日十夜**，一般行人所需之功行也。
一日一夜，乃多善根者，所需之功行也。

但隨其善根於十日夜乃至一日夜能**不斷絕**，
命終皆得往生。故云「**壽終皆得往生其國**」。

此**第三類**正因之行人。其功德遜於前之二類也。

下明種種往生之人，因行各異，
但生彼國已，悉是大乘，咸同一類。

【往生正因第二十五】 經文(4/4) (夏會本)

行菩薩道，諸往生者，
皆得阿惟越致。

皆具金色三十二相，皆當作佛。
欲於何方佛國作佛，從心所願。

隨其精進早晚，求道不休，會當得之，
不失其所願也。

阿難：以此義利故，
無量無數、不可思議、無有等等、無邊世界，
諸佛如來，皆共稱讚無量壽佛所有功德。

【往生正因第二十五】 (22/24)

「行菩薩道」。表諸往生者，皆是大乘也。

以下，明上述因行之果。因雖千差，其果一味。
大乘行人壽終生彼，悉「皆得阿惟越致」
並悉皆紫金色身，具足卅二種大丈夫相。
不但身色如佛，且「皆當作佛」也。

諸往生者，願於何方作佛，
莫不隨其心願而得成就。故云「從心所願」也。

至於成佛之期，則隨行人之「精進早晚」而異。
早日精進則早日成佛，是則平等中之差別也。

【行菩薩道諸往生者】 (1/2)

(吳譯)：佛言：

「其欲求作菩薩道，生阿彌陀佛國者，
其人然後，皆當得阿惟越致菩薩。」

(漢譯同此，魏、唐、宋譯無)

《華嚴經·普賢行願品》：

「我既往生彼國已，現前成就此大願，
一切圓滿盡無餘，利樂一切眾生界。
彼佛眾會咸清淨，我時於勝蓮華生，
親覩如來無量光，現前授我菩提記。
蒙彼如來授記已，化身無數百俱胝，
智力廣大遍十方，普利一切眾生界。」

【行菩薩道諸往生者】 (2/2)

《華嚴念佛三昧論》卷1:

「念極樂世界阿彌陀佛，圓滿普賢大願。」

《阿彌陀經約論》卷1:

「善財童子已發大心，徧參知識，
其卒也普賢以十大願王導歸極樂，
為欲圓滿普賢行願故，究竟成佛故。
今以念佛因緣，發心見佛。
以見佛故，決定成佛。」

故知：以此二經明證，

真正發菩提心、行菩薩道，欲廣度眾生者，
若能生至極樂世界，確實能令行者圓滿此心願。

【往生正因第二十五】 (23/24)

平等有差別，成佛有早晚也。

差別中之平等，則皆當成佛也。

故云：「**求道不休，會當得之，不失其所願也。**」

蓋謂**求道之心，精進不休，皆當成佛。**

決無違失其成佛之本願者也。

【往生正因第二十五】 (24/24)

「佛告阿難」。世尊為喚起會眾之重視，故重呼當機阿難之名而告之曰：「以此義利故」。

此處利有二義：

一者堅利如金剛，可壞一切而不為一切所壞。
二者利益，因此法門，能惠予一切眾生真實之利也。
蓋謂往生法門之義理，舉體是金剛智慧，故云利（堅利）也。同時又是大慈悲之流現，普施眾生真實究竟之利。故云利（利益）也。

是故「無量無數(不可思議無有等)等無邊世界諸佛(如來)，皆共稱讚無量壽佛所有功德」。

凡夫往生皆不退轉，位齊補處菩薩，此乃十方世界之所無，是故十方如來悉共稱讚無量壽佛也。

二、正宗分

一、彌陀因地・殊勝願行

二、極樂依正・清淨莊嚴

三、
三輩往生
菩薩禮供

已生當生 悉住正定

決證極果第廿二

十方佛讚 勸生信願

十方佛讚第廿三

往生因緣

三輩修因

三輩往生第廿四

廣論因行

往生正因第廿五

菩薩禮讚

他方菩薩

禮供聽法第廿六

極樂菩薩

歌嘆佛德第廿七

四、二土欣厭・重重誨勉

五、得失雙辨・攝聖顯智

【禮供聽法第二十六】經文(1/3) (夏會本)

復次阿難：

十方世界諸菩薩眾，為欲瞻禮極樂世界無量壽佛，
各以香華幢幡寶蓋，往詣佛所，恭敬供養。
聽受經法，宣布道化，稱讚佛土功德莊嚴。

爾時世尊即說頌曰：

東方諸佛刹，數如恆河沙，恆沙菩薩眾，往禮無量壽。
南西北四維，上下亦復然，咸以尊重心，奉諸珍妙供。
暢發和雅音，歌嘆最勝尊，究達神通慧，遊入深法門。
聞佛聖德名，安隱得大利，種種供養中，勤修無懈倦。
觀彼殊勝刹，微妙難思議，功德普莊嚴，諸佛國難比。
因發無上心，願速成菩提。

【禮供聽法第二十六】經文(2/3) (夏會本)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。
時會一切眾，互慶生歡喜。

佛語梵雷震，八音暢妙聲。

十方來正士，吾悉知彼願，志求嚴淨土，受記當作佛。
覺了一切法，猶如夢幻響，滿足諸妙願，必成如是剎。
知土如影像，恆發弘誓心，究竟菩薩道，具諸功德本，
修勝菩提行，受記當作佛。
通達諸法性，一切空無我，專求淨佛土，必成如是剎。

【禮供聽法第二十六】 經文(3/3) (夏會本)

聞法樂受行，得至清淨處，必於無量尊，受記成等覺。

無邊殊勝刹，其佛本願力，聞名欲往生，自致不退轉。

菩薩興至願，願己國無異，普念度一切，各發菩提心。

捨彼輪迴身，俱令登彼岸。

奉事萬億佛，飛化徧諸刹，恭敬歡喜去，還到安養國。

【禮供聽法第二十六】 (1/42)

本品名「禮供聽法」。

「禮供」者，十方世界諸大菩薩，咸至極樂世界，禮拜供養阿彌陀佛也。

「聽法」者，阿彌陀佛憫念來者，乃為宣演妙法，十方大士歡喜聽受也。

此中彌陀說法，乃釋尊轉述。

但兩土導師無二無別。釋尊口述何異彌陀親談。

故今我儕讀經亦未異於蒞會聞法也。

品末釋尊復讚聞法大士自利利他，受記成佛之德。

【禮供聽法第二十六】 (2/42)

復次阿難：十方世界諸菩薩眾，
為欲瞻禮極樂世界無量壽佛，各以香華幢幡寶蓋，
往詣佛所，恭敬供養，聽受經法，宣布道化，
稱讚佛土功德莊嚴。爾時世尊即說頌曰：

「瞻」者，向上或向前看。此處即瞻仰之義。

「聽受經法，宣布道化」者，

《會疏》釋曰：「聽聞受持彌陀所說經法，
宣傳流布其道德化益也。」

蓋謂十方大士於極樂導師聞受經法，
復至十方輾轉宣說導師之教導也。

下云「稱讚佛土功德莊嚴」，

乃十方大士讚歎極樂國土功德莊嚴。

【禮供聽法第二十六】 (3/42)

東方諸佛刹，數如恆河沙，恆沙菩薩眾，往禮無量壽。

南西北四維，上下亦復然，咸以尊重心，奉諸珍妙供。

首言東方恆沙世界，繼言餘方恆沙世界。

其中各各世界皆有數如恆河沙之菩薩聖眾，

咸至極樂，禮敬無量壽佛。

同以誠敬之心，奉獻種種珍貴微妙殊勝供品。

如《魏譯》曰「各齎天妙華，寶香無價衣」等，

是為財供養。下為法供養。

【禮供聽法第二十六】 (4/42)

暢發和雅音，歌嘆最勝尊，究達神通慧，遊入深法門。
聞佛聖德名，安隱得大利，種種供養中，勤修無懈倦。
觀彼殊勝刹，微妙難思議，功德普莊嚴，諸佛國難比。
因發無上心，願速成菩提。

右偈乃上述諸菩薩，以歌頌讚歎彼佛及其國土。

從衷而出，故曰「暢發」。

其音和雅，故稱「和雅音」。

《會疏》曰：「五音相和，諷聲不邪，故云和雅。

歌謂歌咏。歎謂讚歎也。」

「最勝尊」指阿彌陀佛。

因是「佛中之王」，故稱「最勝」。

【禮供聽法第二十六】 (5/42)

暢發和雅音，歌嘆最勝尊，**究達神通慧**，遊入深法門。

一、通讚佛德。

「**究達神通慧**」。「**究**」者**究竟**。「**達**」者**洞達**。
「**神通慧**」者，**神通與智慧**也。

《六波羅密經》言：

「慈氏白佛言：『云何名為神通智慧？』」

佛言：『神通者，能以通力見極微色，是名神通。

以淨法眼，知色性空，亦不取著，是名智慧。

復次，聞諸世間極微小聲，是名神通。

於諸音聲，悟無言說，離諸譬喻，是名智慧。

【禮供聽法第二十六】 (6/42)

暢發和雅音，歌嘆最勝尊，**究達神通慧**，遊入深法門。

復次，能知一切有情心行，是名神通。

了諸有情妄心非心，是名智慧。

復次，於過去際，悉皆憶念，是名神通。

了佛土空，是名智慧。

復次，了知根性差別之相，是名神通。

了勝義空，是名智慧。

能知諸法，是名神通。

了俗如幻，是名智慧。』』

如上之殊勝神通智慧，悉皆究竟通達，

故曰「**究達神通慧**」。

【禮供聽法第二十六】 (7/42)

暢發和雅音，歌嘆最勝尊，究達神通慧，遊入深法門。

「遊入深法門」。

上明神通智慧。

淨影曰：「此通與慧，皆依法成故。」

故次明遊入深法也。

「法門」，肇公註《維摩經》曰：

「言為世則謂之法，眾聖所由謂之門。」

佛所說者，乃世之軌則，是謂之法。

此法是眾聖入道之所由，故謂之門。

【禮供聽法第二十六】 (8/42)

暢發和雅音，歌嘆最勝尊，究達神通慧，遊入深法門。

《華嚴大疏》曰：「如來通智遊入，故號門。」

又《會疏》曰：「出入無礙名遊，能徹奧域為入。」

又《淨影疏》曰：「窮本稱入。」

謂窮盡本源，名之為入。

今諸菩薩讚歎彌陀，窮盡諸法實相之本源，出入無礙，故曰「遊入深法門」。

窮盡源底，是為甚深，故曰「深法門」。

【禮供聽法第二十六】 (9/42)

聞佛聖德名，安隱得大利，種種供養中，勤修無懈倦。

二、讚佛號功德。 「聞佛聖德名」。

彌陀本願從第十八至第廿七共十願，

又從第四十四至四十八共五願，

願願皆因聞佛名號，永離諸惡苦，終得究竟樂。

(例如「聞名得福願」、「聞名發心願」、
「聞名得忍願」。)

十方眾生聞名，悉皆安穩，得種種真實之利，

是云「安隱得大利」。

十方大士聞名得益，感恩圖報。

故廣修供養，無有懈倦。

【禮供聽法第二十六】 (10/42)

聞佛聖德名，安隱得大利，種種供養中，勤修無懈怠。

「種種供養中」者，簡言之為財、法二種供養。

《普賢行願品》曰：

「諸供養中，法供養最。所謂如說修行供養；
利益眾生供養；攝受眾生供養；
代眾生苦供養；勤修善根供養；
不捨菩薩業供養；不離菩提心供養。」
又「如是修行，是真供養故。」

菩薩以聞名故，乃能於上述種種供養中，
精勤修持，而無懈怠與厭倦之心。
故云「勤修無懈怠」。

以上皆因佛號功德，不可思議。

【禮供聽法第二十六】 (11/42)

觀彼殊勝刹，微妙難思議，功德普莊嚴，諸佛國難比。

三、讚佛國土。

極樂世界「國中萬物，嚴淨、光麗，形色殊特，窮微極妙」。其形色、光相、名數，皆不能稱說，亦無能清辯。蓋彼土殊勝微妙，非言思所能及。

故曰：「觀彼殊勝刹，微妙難思議」。

種種莊嚴，入一法句，即清淨句，

即真實智慧無為法身。

極樂依正，悉是實相功德之所莊嚴，平等普現。

故下云「功德普莊嚴」。

如是妙土，如經云：「超踰十方一切世界」，

故云「諸佛國難比」。

【禮供聽法第二十六】 (12/42)

因發無上心，願速成菩提。

四、讚感人發心。

「因發無上心，願速成菩提」。

十方菩薩見彼土莊嚴清淨，超踰十方，佛號功德，普度一切，因發大心。願已成佛，亦成就如是剎土。

如《維摩經》云：

「以諸淨國嚴飾之事，成己佛土。」

亦能如是濟度，盡未來際。

【禮供聽法第二十六】 (13/42)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。
時會一切眾，互慶生歡喜。

右文顯感應道交，如來放光加持，
大眾證不退位，皆大歡喜。

《宋譯》曰：「爾時彼佛無量壽，化導他方菩薩心。
密用神通化大光，其光從彼面門出。」

故知「無量尊」即無量壽佛。

「微笑現金容」，於彼佛金容示現微笑之相。

【禮供聽法第二十六】 (14/42)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。

《會疏》曰：「『應時』，應菩薩發願時。」

「『欣笑』，授記之相。如來常住三昧，將欲說法，
安祥而動。故佛心湛然，無喜無憂。
若將授記時，現欣笑。舌相薄淨，如赤銅色。
舌上五畫，如印文。笑時動舌，出五色光。」

《寶積經》云：『諸佛常法，
若授地獄眾生記時，爾時光明兩足下沒。

(乃至)若授菩提記，爾時光明從頂上沒。』

彼國純一大乘故，更無餘乘記。故云『從頂入』。」

【禮供聽法第二十六】 (15/42)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。

《魏譯》示放光之因，蓋為「當授菩提記」。

《嘉祥疏》曰：

「正明授記，表得時機，所以欣笑口出。先還從頂入者，表吐言說，為物授至極法身之記也。」

意謂佛正為大眾授記。因時機成熟，故現微笑。並放光明從口而出。徧照十方，光迴繞佛三匝，入佛頂中。此表為眾所授之記，為至極法身之記，即究竟果覺之記也。又《望西疏》註光明照十方，還入如來頂者，「依《華嚴》表授菩薩成佛記也」。

【禮供聽法第二十六】 (16/42)

菩薩見此光，即證不退位。時會一切眾，互慶生歡喜。

下明與會大眾，善根成熟，

(菩薩) 見佛此光明，「即證不退位」。

不退者，不退轉之略稱。即阿惟越致菩薩也。

是故「時會一切眾，互慶生歡喜」。

會中諸菩薩，見此瑞相，知蒙授記，復現證不退，故互相慶慰，莫不歡喜也。

《嘉祥疏》「人天知相而歡喜。」

如《宋譯》曰：「時會一切諸眾生，敬歎佛光未曾有，各各俱發菩提心，願出塵勞登彼岸。」

【禮供聽法第二十六】 (17/42)

佛語梵雷震，八音暢妙聲。

十方來正士，吾悉知彼願，志求嚴淨土，受記當作佛。

彌陀放光，隨即說法。故下曰「佛語梵雷震」。

此佛字，乃阿彌陀佛也。

佛音清淨，故曰梵音。又如梵天王，故曰梵音。

《智度論》曰：「如梵天王五種聲從口出：

- 一、(甚)深如雷。
- 二、清徹遠聞，聞者悅樂。
- 三、入心敬愛。
- 四、諦了易解。
- 五、聽者無厭。」

【禮供聽法第二十六】 (18/42)

佛語梵雷震，八音暢妙聲。

「雷震」喻也。

《嘉祥疏》云：

「震雷能駭動物情，譬說法皆動無明之識也。」

又《淨影疏》曰：「震法雷者，法無礙智化眾生也。」

《唐譯》曰：「震大法雷，開悟一切。」

綜上諸解，謂彌陀說法音聲如梵天王。

演說法要，如大雷震，開悟大眾。

此乃本師讚彼彌陀之語。

下言「八音暢妙聲」，亦復如是。

「八音」者，如來所得八種音聲。

【佛語梵雷震】

(魏譯)：

應時無量尊，動容發欣笑，口出無數光，遍照十方國。
迴光圍遶身，三匝從頂入，一切天人眾，踊躍皆歡喜。

大士觀世音，整服稽首問，白佛何緣笑？唯然願說意。

梵聲猶雷震，八音暢妙響：

「當授菩薩記，今說仁諦聽。十方來正士，吾悉知彼願」

故知是無量壽佛答覆觀世音菩薩之語；

但讚佛梵聲、八音，乃本師釋迦所讚亦可，

如黃念老云：此中彌陀說法，乃釋尊轉述。

【禮供聽法第二十六】 (19/42)

佛語梵雷震，八音暢妙聲。

《梵摩喻經》謂八音為：

- 一最好聲。其聲哀妙。二易了聲。言辭辨了。
- 三調和聲。大小得中（聞者和融，自然會於中道之理。）
- 四柔軟聲。其聲柔軟（聞者喜悅，捨剛強意，自然入律。）
- 五不誤聲。言無錯失。
（聞者各得正見，離九十五種外道之邪非。）
- 六不女聲。其聲雄朗。（聞者敬服，魔外歸順。）
- 七尊慧聲。言有威肅，如世尊重，有慧人聲。
（聞者尊重，智解開朗。）
- 八深遠聲。其聲深遠，猶如雷震。
（聞者皆證。甚深之理。）

【禮供聽法第二十六】 (20/42)

佛語梵雷震，八音暢妙聲。

又八音者，

嘉祥師云：「一響(嚮)，二徹，三清，四柔，
五哀，六亮(高)，七和，八雅。」

「暢」者，說也，申說也。

如《阿彌陀經》曰：「其音演暢五根五力」等等。

「妙聲」者，妙法音聲也。

彌陀具足八音，以演說妙法，故云「八音暢妙聲」也。

【禮供聽法第二十六】 (21/42)

十方來正士，吾悉知彼願，志求嚴淨土，受記當作佛。

「十方來正士，吾悉知彼願」。

從此二句直至段末「**必成如是刹**」，皆本師釋尊，轉述阿彌陀如來所演暢之法音。

「**正士**」即**菩薩**，如本經中十六正士。

「**吾**」者，此為**阿彌陀佛**之自稱。

意謂十方菩薩來此，皆具殊勝大願，我皆知之。其願乃「**志求嚴淨土，受記當作佛**」也。

是諸菩薩，發此大願，故彌陀讚之。

眾生起心動念，如來悉知悉見。現諸正士，願如彌陀，成就大覺，攝取佛土，佛即知之。

故為說如是無上相應之法，以滿其願。

【禮供聽法第二十六】 (22/42)

覺了一切法，猶如夢幻響，滿足諸妙願，必成如是刹。

一、「覺了一切法，猶如夢幻響。
滿足諸妙願，必成如是刹。」

「覺」者，證悟，「了」者，了知。

「一切法」者，總該萬有之一切諸法。

《大智度論》曰：「一切法，略說有三種：
一者有為法。二者無為法。三者不可說法。
此三已攝一切法。」

【禮供聽法第二十六】 (23/42)

覺了一切法，猶如夢幻響，滿足諸妙願，必成如是刹。

「如夢幻響」。喻諸法皆虛妄無實。

如夢，如幻化，如回響(空室回音)。

《大智度論》曰：

「如夢者，如夢中無實事，謂之為實。

覺已知無，而還自笑。」

又曰：「一切諸行如幻，欺誑小兒。

屬因緣，不自在，不久住。」

【禮供聽法第二十六】 (24/42)

覺了一切法，猶如夢幻響，滿足諸妙願，必成如是剎。

又曰：「若深山狹谷中，若深絕澗中，若空大舍中；若語聲，若打聲，從聲有聲，名為響。無智人謂為有人語聲。智者心念：是聲無人作，但以聲觸故，名為響。響事空，能誑耳根。(乃至)菩薩知諸法如響。」

又《會疏》曰：

「如夢者，如夢所見，雖有種種事，畢竟不可得，諸法亦復如是。」

如幻者，如幻所現。雖似實化現，其體本寂滅，諸法亦復如是。」

如響者，如空谷響。雖因聲擊發，自性無所有。諸法亦復如是。」

【禮供聽法第二十六】 (25/42)

覺了一切法，猶如夢幻響，滿足諸妙願，必成如是刹。

下舉勝願，記必得土。

《淨影疏》謂此一偈，「舉彼智願，記必得土。

覺了一切如夢幻等，是舉智也。

滿足諸願，是舉願也。成如是刹，記得土也。」

疏意為：了知一切，猶如夢幻，是智慧也。

滿足諸妙願，是大願也。不但發起諸妙願，

且能修習、攝取、滿足諸願，足證所願真切。

以此二者為因，故得受記曰：「必成如是刹。」

刹土成就，乃智與願之果也，

【禮供聽法第二十六】 (26/42)

覺了一切法，猶如夢幻響，滿足諸妙願，必成如是刹。

又《會疏》云：「雖經塵劫，猶如一念。雖在生死，如園觀。遂(成也，達也)則滿足妙願，建立妙土。」

蓋謂從智滿願，從願建土。以智慧故，生死如園觀，多劫如一念。於此了達成就，故妙願悉滿也。

兩疏小異，而淨影之說較親。

蓋了諸法空，仍願取淨土。不落二邊，妙契中道，是淨宗本旨。如《維摩經》云：

「雖知諸佛國，及與眾生空，而常修淨土，教化於群生。」
此皆圓宗事理無礙，不可思議境界。
下之二偈，同此玄旨。

【事理無礙】

《阿彌陀經疏鈔》卷3：

「若得理一，則妙悟一心，有何淨穢。然雖知平等法界，無生可度；而常修淨土，教化眾生。

正所謂一乘大道也。知見之普，孰過於是。

又普賢菩薩為華嚴長子，非一乘境界乎。而欲面見彌陀，往生安樂，謂之情存淨穢可乎。」

《阿彌陀經疏鈔演義》卷3：「正所謂一乘大道者，平等法界，無生可度；真如界內，不受一塵也。常修淨土，教化眾生；佛事門頭，不捨一法也。事理圓融，權實不二，一乘大道也。」

雪廬老人淨土詩偈

臘盡普陀春又來

校經幃幕不輕開

度生多與說因果

罕弄玄虛逞辯才

(吾師印祖涅槃二十年追思十首之四)



迴向偈

願以此功德，莊嚴佛淨土。

上報四重恩，下濟三塗苦。

若有見聞者，悉發菩提心。

盡此一報身，同生極樂國。